



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/21-2-40-488-4/21**
Datum: **08.11.2021. god**

«Agencija za vodno područje rijeke Save» Sarajevo rješavajući po zahtjevu Anele Isak iz Zenice za donošenje rješenja o vodnoj saglasnosti za ispuštanje tehnoloških i oborinskih onečišćenih otpadnih voda sa lokaliteta objekta benzinske pumpe sa samouslužnom praonicom vozila i pratećim sadržajima u naselju Raspotočje, grad Zenica, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Aneli Isak iz Zenice daje se vodna saglasnost za ispuštanje tehnoloških i oborinskih onečišćenih otpadnih voda u prirodni recipijent sa lokaliteta objekta benzinske pumpe sa samouslužnom praonicom vozila i pratećim sadržajima koji se planira graditi na zemljištu označenom kao k.č. 285/2 K.O. Raspotočje, grad Zenica a na osnovu projektne dokumentacije:
 - Glavni projekat vanjskih hidrotehničkih instalacija ViK-a za objekat benzinske stanice vl Anela Isak na lokaciji k.č. br 285/2 K.O. Raspotočje, Zenica, urađen od strane «ES HYDROTECHNICS» d.o.o. Sarajevo, septembar 2021. godine (revidovan od strane «Zavod za vodoprivredu» d.o.o. Sarajevo, septembar 2021. godine).Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnji sistema za prikupljanje i tretman oborinskih i tehnoloških otpadnih voda te odvodnju prečišćenih voda nastalih na lokalitetu predmetnog objekta u naselju Raspotočje, grad Zenica izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Izvođenje radova vršiti na način utvrđen u opisu tehničkog rješenja i tehničkih uslova izvođenja radova iz projektne dokumentacije a u skladu sa uslovima iz ove vodne saglasnosti.
 - 3.3. Usvojenim sistemom prečišćavanja otpadnih voda mora se obezbijediti da prečišćene oborinske i tehnološke otpadne vode, prije ispuštanja u recipijent, ostanu u maksimalno dopuštenim granicama definisanim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Na odvodnom cjevovodu, neposredno iza postrojenja za prečišćavanje oborinskih i tehnoloških otpadnih voda, prije konačnog ispusta u rijeku Bosnu izvesti posebno reviziono okno koja će služiti kao okno za uzimanje uzoraka (monitoring okno).
 - 3.5. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.6. U toku izvođenja radova na izgradnji sistema za prikupljanje i tretman otpadnih voda predmetnog poslovnog kompleksa objekata, otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.7. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
 - 3.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr) kao i postojeće korisnike voda.

- 3.9. Za skladištenje nafte i naftnih derivata ugraditi dvoplašne podzemne rezervoare sa sistemom za kontrolu nepropusnosti međuplašnog prostora spremnika.
- 3.10. Ugradnju rezervoara za skladištenje nafte i naftnih derivata izvršiti u skladu sa uputstvima proizvođača i važećim propisima za tu vrstu radova.
- 3.11. Nakon izvođenja radova na ugradnji dvoplašnih podzemnih rezervoara za skladištenje nafte i naftnih derivata izvršiti ispitivanja kvaliteta izvedenih radova na bezbjednost od curenja, a u cilju zaštite površinskih i podzemnih voda.
- 3.12. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 12-19-3931/21 izdatog dana 27.07.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
4. Ukoliko se izvođenjem predmetnih radova ili drugim aktivnostima vezanim za iste te korištenjem objekta predmetne benzinske pumpe sa samouslužnom praonicom vozila i pratećim sadržajima prouzrokuju štete i naruši stabilnost korita rijeke Bosne, postojećih objekata i obala vodotoka ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu benzinske pumpe sa samouslužnom praonicom vozila i pratećim sadržajima obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20).
8. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
9. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Anela Isak iz Zenice, svojim zahtjevom, zaprimljenim 19.10.2021. godine, zatražila je izdavanje vodne saglasnosti za ispuštanje tehnoloških i oborinskih onečišćenih otpadnih voda u prirodni recipijent sa lokaliteta objekta benzinske pumpe sa samouslužnom praonicom vozila i pratećim sadržajima a u postupku pribavljanja odobrenja za građenje istog na zemljištu označenom kao k.č. 285/2 K.O. Raspotočje, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija lične karte Anele (Sulejman) Isak iz Zenice,
- Kopija Rješenja o prethodnoj vodnoj saglasnosti broj: UP-I/25-1-40-198-6/21 izdatog dana 30.06.2021. godine od strane «Agencije za vodno područje rijeke Save» Sarajevo,
- Kopija Zaključka broj: 05-21-05544-1/21 koji se odnosi na ispuštanje sanitarno fekalnih voda izdatog dana 17.06.2021. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o urbanističkoj saglasnosti broj: 12-19-3931/21 izdatog dana 27.07.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zahtjeva za izdavanje okolinske dozvole upućenog dana 19.10.2021. godine Ministarstvu za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o općim obavezama investitora u vezi sa zaštitom okoliša dozvoli broj: 12-19-09622/21 izdatog dana 04.11.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Glavni projekat vanjskih hidrotehničkih instalacija ViK-a za objekat benzinske stanice vl Anela Isak na lokaciji k.č. br 285/2 K.O. Raspotočje, Zenica, urađen od strane «ES HYDROTECHNICS» d.o.o. Sarajevo, septembar 2021. godine (na uvid i ovjeru),
- Konačan izvještaj o izvršenoj reviziji projektne dokumentacije urađen od strane «Zavod za vodoprivredu» d.d. Sarajevo, septembar 2021. godine (na uvid),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Tokom ispitnog postupka kao nesporne utvrđene su sljedeće činjenice:

- Objekat benzinske pumpe sa samouslužnom praonicom sa 3 boksa za pranje vozila i ostalim pratećim sadržajima se planira graditi u naselju Raspotočje na parceli označenoj kao k.č. broj: 285/2 K.O. Raspotočje, grad Zenica, neposredno uz regionalnu saobraćajnicu Zenica-Janjici na lijevoj obali rijeke Bosne.
- Predviđeno je da se gorivo skladišti u ukopanom čeličnom dvoplašnom rezervoaru kapaciteta 100 m³. Takođe, predviđena je ugradnja podzemnog spremnika za TNP kapaciteta 6,4m³ i podzemnog rezervoara za Ad Blue kapaciteta 3m³.
- Tehnološke otpadne vode nastale pranjem vozila na platou samouslužne praonice će se zajedno sa oborinskim onečišćenim vodama sa prostora pretakališta, saobraćajnih i manipulativnih površina prikupljati zasebnim kanalizacionim sistemom sa slivnicima i slivnim rešetkama te odvesti na tretman u separator ulja i masti sa koalescentnim filterom kapaciteta 6lit/sec. Prečišćene vode će se preko okna za monitoring ispuštati u rijeku Bosnu.
- Na predmetnom lokalitetu je izgrađena vodovodna mreža kojom upravlja JP «Vodovod i kanalizacija» d.o.o. Zenica te je snabdijevanje vodom za sanitarne, tehnološke potrebe i hidrantsku mrežu obezbijeđeno priključkom na gradski vodovodni sistem.
- Sanitarne-fekalne otpadne vode iz toaleta će se prikupljati zasebnim kanalizacionim sistemom sa ispustom u septičku jamu kapaciteta 12m³ bez preliva za što je od nadležnog Ministarstva PŠV Ze-do kantona izdat vodni akt.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdalo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa, broj: UP-I/25-1-40-198-6/21 od 30.06.2021. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidrotehničkih instalacija ViK-a za objekat benzinske stanice vl Anela Isak na lokaciji k.č. br 285/2 K.O. Raspotočje, Zenica, urađen od strane «ES HYDROTECHNICS» d.o.o. Sarajevo, septembar 2021. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:


Nermina Hodžić, dipl.ing.građ.

Prilog:

- Ovjerena projektna dokumentacija: Glavni projekat vanjskih hidrotehničkih instalacija ViK-a za objekat benzinske stanice vl Anela Isak na lokaciji k.č. br 285/2 K.O. Raspotočje, Zenica, urađen od strane «ES HYDROTECHNICS» d.o.o. Sarajevo, septembar 2021. godine
- Konačan izvještaj o izvršenoj reviziji projektne dokumentacije urađen od strane «Zavod za vodoprivredu» d.d. Sarajevo broj: V-03-02/21, septembar 2021. godine

Po ovlaštenju

Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Anela (Sulejman) Isak
Lukovo Polje br 79a, 72000 Zenica (prilog)
- AVP, ISV – Vodna knjiga
- Sektor 40, arhiva
- Oglasna ploča, AVP Sava